

ISU HERET AKHYAR KE CAS

Penyokong mula sangsi niat KFA

13/HARIAN 7/3/2019 MS 79

Kuala Lumpur: Tindakan Persatuan Bolasepak Kedah (KFA) yang terus 'membisu' mengenai kes bekas bintangnya, Akhyar Rashid sama ada mahu mengheretnya ke Mahkamah Timbang Tara Sukan (CAS) atau tidak, menimbulkan tanda tanya dalam kalangan penyokong skuad Helang Merah.

Malah, situasi itu dilihat menimbulkan keresahan dalam kalangan penyokong yang mula sangsi sama ada KFA serius mengheret kes itu ke mahkamah atau sekadar melakukan gimik semata-mata.

Wakil jurucakap Kelab-Kelab Penyokong Bolasepak Kedah

(G32) Safarizal Mohd Sobri menjelaskan, mereka mempunyai hak sebagai penyokong untuk mengetahui sebarang perkembangan mengenai kes terbabit.

"Sebelum ini, kami dimaklumkan kes terbabit sudah dikendalikan oleh peguam yang dilantik KFA, jadi pengurusan menyerahkan semuanya kepada peguam terbabit dan mereka tidak boleh mengeluarkan sebarang komen.

'Drama' tercetus

"Kami menghormati keputusan KFA dan peguam yang tidak mahu memaklumkan perkembangan itu secara terbuka

kepada media namun sebagai penyokong, mungkin KFA boleh memaklumkan serba sedikit mengenai perkembangan kes itu.

"Kami hanya mahu tahu setakat mana kes terbabit sudah dibawa ketika ini," katanya ketika dihubungi *BH Sukan* semalam.

Sementara itu, percubaan *BH Sukan* untuk mendapatkan Setiausaha Kehormat KFA, Mohd Asmirul Anuar Aris gagal selepas tidak menjawab panggilan daripada semalam dan pertanyaan menerusi aplikasi pesanan WhatsApp tidak mendapat maklum balas.

Terdahulu, 'drama' tercetus apabila KFA mengesahkan bintang muda itu diintai Johor Darul Ta'zim (JDT) namun dinafikan Pengarah Teknikal JDT, Alistair Edwards yang mengakui pihaknya sedar mengenai kontrak yang dimiliki pemain terbabit.

Bagaimanapun, Persatuan Bolasepak Malaysia (FAM) kemudiannya membenarkan Akhyar menebus baki kontraknya selama setahun bernilai RM210,000 dan pampasan latihan sebanyak RM75,000 kepada mana mana pasukan yang mahu mendapatkan khidmatnya.